



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

55. An in privatis Oratoriis cum licentia Summi Pontificis approbatis ab  
Ordinario, licitum sit virtute Bullæ Cruciatæ non solum in diebus  
concessis, sed etia[m] in festivitatibus prohibitis ...

---

[urn:nbn:de:hbz:466:1-76369](https://nbn-resolving.de/urn:nbn:de:hbz:466:1-76369)

monitis ac exhortationibus suorum Episcoporum obtemperare.

3. Nota tamen quod supradictæ sententia obstat nonnulla declaratio Sacrae Congregationis Concilii, statuentis sub die 14. Novembris 1648. Priuilegium Bullæ Cruciatæ non suffragari pro huiusmodi Oratoriis, & Altaribus ac Missarum celebratione. Sed Aliquis posset dicere Sacram Congregationem loqui de Oratoriis comprehensis sub prohibitione Pauli V. ut erat quoddam Oratorium de quo perebas Episcopus Caluritanus: Verum in casu nostro Oratoria sunt Authoritate Apôstolica erecta, & designata, ac approbata ab Episcopo, vt praecepit Pontifex: In his enim Oratoriis asserunt citati Doctores suffragari Priuilegium Bullæ: ergo non comprehenduntur in dicta declaratione. Vel dicendum est, Sacram Congregationem intelligere Priuilegium Bullæ non suffragari, vt quis, eius virtute, possit erigere Oratorium in Domo absque alia dispensatione Pontificis, vt Palauis, & alijs voluerunt; non autem quando Oratorium erectum est ex induito Pontificis, & approbatum ac designatum ab Episcopo, vt prescribitur in licentia Pontificis. Si vero sensus Sacrae Congregationis fuerit, etiam istum Casum in dicta declaratione comprehendere, eius determinationi me libenter subiicio; semper enim ego purpuratorum Patrum Responsa veneratus sum.

## RESOL. LV.

Sup. hoc &  
in Ref. 1.  
not. seq. &  
legg. §. pe-  
nult. & vlt.  
Ref. ptx-  
tertæ.

*An in priuatis Oratoriis cum licentia Summi Pontificis approbatas ab Ordinario licitum sit virtute Bullæ Cruciatæ non solum in diebus concessis, sed etiam in Festiuitatibus prohibitis, celebrare & ibi Missam audire?*

*Et quid tempore interdicti? Ex p. 4. tract. 4. & Misc. Ref. 76.*

Sup. hoc &  
doctr. seq.  
huius Ref.  
vid. sup. Ref.  
28. à princ.  
vñque ad §.  
penult. &  
pro parte le-  
ge inf. doctr.  
Ref. seq.

§. I. **S**uppono licentiam celebrandi in aliquo Oratorio priuato, vt patet ex eorum tenore, multas conditions habere, & præfertim quod à dicta licentia celebrandi & audiendi Missam in dictis Oratoriis excipiuntur dies Paschæ resurrectionis, Pentecostes, & alia festa solemnia; quærit modū an Episcopos possit prohibere habenti Bullam ne celebrare faciat, vel Missam audiat in Oratorio alias approbato, etiam in supradictis festiuitatibus? Et negatim respondeo cum Ägidio Trullench in exposit. Bull. Cruciat. lib. I. §. 3. dub. 4. num. 11. quia vigore dictarum licentiarum solum licet cum limitationibus & conditionibus ibi contentis in Oratoriis celebrare; at supposita Oratorijs approbatione per dictam licentiam Pontifex per Bullam Cruciatæ concedit, vt possit in eo celebrari absque limitationibus supradictis, eo quod talis licentia, vt patet in Bulla Cruciatæ, concedit absolute & sine temporis & personarum differentia. Sic eti Parochus ex vi sua approbationis solum possit suas oves absoluere, at supposita approbatione, si ab habente Bullam eligatur, potest alienas non vigore sua approbationis, sed quia supposita approbatione Papa ei per Bullam iurisdictionem confert; sic in hoc casu, eti nunc in aliquo Oratorio modo quo supra approbato solum possit strictè & limitate celebrari & audiiri Missa virtute approbationis, at supposita ea approbatione per Bullam Cruciatæ Papa de nouo confert absolute licentiam celebrandi & audiendi Missam, quod insinuare videtur ipse Pontifex, qui non immemor supradicti decreti post illius promulgationem in Bulla confert supradictam facultatem, & concedit Commissario facultatem suspenderi ea, quæ sunt Bullæ contraria. Vide etiam

præter Trullench Rodriguez in addit. ad Bull. Cruciat. §. 5. num. 1. vbi sic ait. [Nota que no solamente se concede aquí licencia para que se pueda decir Misa en tiempo de entredicho en oratorios priuados visitados por el ordinario mas aun en qualquier otro tiempo, y esto da a entender claramente la Bulla plumbæ, ibi, etiam tempore interdicti, laqual dicion etiam da claramente a entender que se concede esta licencia para todo el tiempo; y porque en tiempo de entredicho que una mas dificultad añade la Bulla] etiam tempore Interdicti. Igitur, vt dictum est, licet in Oratoriis priuatis approbatas ab Ordinario non possit celebrari nisi cum limitationibus appositis a Pontifice in eorum licentiis, tamen supposita dicta approbatione vigore dictæ licentiae postea per Bullam Cruciatæ absolutæ in illis quis celebrare potest, & Missam audiire, quod est valde notandum à Confessariis.

## RESOL. LVI.

*An saltem qui habet Bullam Cruciatæ in Sicilia, Hispania, &c. satisfaciat precepto audiendi Missam in dictis Oratoriis? Ex p. 9. tr. 1. Ref. 4.*

§. I. **A**firmatiuè olim respondi, & hanc sententiam ex Rodriguez, Trullench, & alijs tenet Pater Bardi in Bull. Cruciat. part. 2. tract. 2. cap. 6. seq. 1. num. 7. & patet ex verbis Bullæ, per quæ Pontifex absolute concedit, posse in Oratorio priuato, si fuerit deputatum ad diuinum cultum, & ab Episcopo approbatum fieri sacram, vel illi affiseret; neque restringit priuilegium ad tempus interdicti tantum, vt indicat dictio illa, *Etiam*, quæ est explicativa, & augmentativa, sic enim dicitur. [Possum dicto anno durante in Ecclesiis, in quibus alias Diuina Officia interdicto durante quomodolibet celebrare permisum fuerit, vel in priuato Oratorio ad diuinum cultum tantum deputato, ab Ordinario visitando, & designando, etiam tempore interdicti, &c. Missas, & alia Officia Diuina per seipso, si Presbyteri fuerint celebrare, vel per alium celebrare facere, &c.] particula enim illa, *Etiam*, denotat facultatem hanc pro omni tempore esse concessam videlicet, tum pro tempore Interdicti, tum pro alio tempore, in quo non est Interdictum; & quia poterat esse dubitatio pro tempore Interdicti, idcirco per ipsam particulam volui Pontifex pro tempore Interdicti eam comprehendere, & de illo expressam mentionem facere. Et ideò si Pontifex noluerit priuilegium extendere extra tempus interdicti, non debuisset apponere dictiōne implicatiā; quia de natura sua exprimens casum magis incertum, implicat minus dubitabilem, vt quam plurimorum autoritatē, & variis iuriibus ostendit Augustinus Barbo de edit. z. freq. ditt. 112. num. 1. & talis est ordinarius, & confutus loquendi modus inter homines, nam si quis verbi gratia dicat: Petrus contemplationi rerum diuinarum, etiam nocturno tempore vacat, loquutione ista significat, Petrum non solum in contemplatione se exercere tempore illo expresso; verum etiam horis diurnis: aliter superflua foret dictio implicatiā, & esset omitenda.

2. Nec obstat dicere in Bulla nullibi inueniri facultatem celebrandi, aut Sacro assistendi, extra Interdictum: quia licet tempus Interdicti exprimitur: nihilominus per dictiōne implicatiā dispositio Pontificis ampliatur ad aliud tempus extra interdictum. Si vero quis contra argumentetur assumendo priuilegium istud esse odiosum, atque adeo non ampliandum. Respondere possumus in dictione implicatiā esse vim ampliatiā, seu augmentatiā;